

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-1497/16
Lukavac, 28.11.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1497/16 od 24.11.2016. godine u otvorenom postupku javne nabavke za izgradnju i rekonstrukciju primarne distributivne mreže u naselju Poljice Gornje, I faza, općina Lukavac- LOT 1 Općinski načelnik d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 02-05-1497/16 od 24.11.2016. godine i Ugovor za javnu nabavku radova za izgradnju i rekonstrukciju primarne distributivne mreže u naselju Poljice Gornje, I faza, općina Lukavac- LOT 1 dodjeljuje se ponuđaču KONZORCIJA: „Siddik“ d.o.o. Poljice i „Adab“ d.o.o. Poljice, ponuda broj: 101-11/16 od 07.11.2016. godine, za ponuđenu cijenu u vrijednosti od 186.031,00 KM bez PDV-a, kao najpovoljnijem ponuđaču.

Član 2.

Ponuđač KONZORCIJU: „Siddik“ d.o.o. Poljice i „Adab“ d.o.o. Poljice dužan je nakon prijema odluke o izboru da dostavi **u roku od 5 dana** originale ili ovjerene kopije dokaza o ispunjavanju uslova iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d). Predstavnik KONZORCIJA: „Siddik“ d.o.o. Poljice u sastavu ponude dostavio je dokaze traženih tačkom 13.2.2. tenderske dokumentacije broj: 02-05-1497/16, te se oslobađa naknade dostave za navedenu.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeljuje se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1496/16 od 17.10.2016.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 128.205,13 KM.

Obavještenje o nabavci broj: 719-1-3-63-3-47/16 objavljeno je na Portalu javnih nabavki dana 18.10.2016. godine.

Komisija za provođenje postupka nabavke imenovana Rješenjem broj: 02-05-1512/16 od 20.10.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-1497/16 od 24.11.2016. godine, Preporuku o izboru najpovoljnijeg ponuđača broj:02-05-1497/16 od 24.11.2016. godine i Izvještaj o radu broj: 02-05-1497/16 od 24.11.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da su blagovremeno primljene tri ponude;
- da nije bilo neblagovremeno primljenih ponuda;
- da su ponude ponuđača "ROADING" d.o.o. Gračanica, TEHNOGRAD d.o.o. Tuzla i KONZORCIJ: „Siddik“ d.o.o. Poljice i „Adab“ d.o.o. Poljice kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 128.205,13 KM i da je kriterij za dodjelu ugovora najniža cijena.

Ponuđač KONZORCIJA: „Siddik“ d.o.o. Poljice i „Adab“ d.o.o. Poljice dostavio je prihvatljivu ponudu sa cijenom od 186.031,00 KM bez PDV-a koja je za 57.825,87 KM bez PDV-a veća od procijenjene vrijednosti za ovu nabavku. Odlukom broj: 02-02-1-1723/16 od 24.11.2016. godine obezbijeđena su dodatna sredstva u iznosu od 57.825,87 KM bez PDV-a za LOT 1.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. ROADING d.o.o. Gračanica
2. TEHNOGRAD d.o.o. Tuzla
3. KONZORCIJ: „Siddik“ d.o.o. Poljice i „Adab“ d.o.o. Poljice
4. Evidenciji i
5. Arhivi.-



OPĆINSKI NAČELNIK
Edin Delić, Dr.Sci.